

TPM lancar Ekspo Merdeka ke-50

Oleh Azman Zakaria

KUALA LUMPUR: Datuk Seri Najib Razak semalam melancarkan Ekspo Merdeka Ke-50, di sini, semalam bagi memberi peluang kepada rakyat melihat pencapaian dan kemajuan Malaysia sejak lima dekad lalu serta arah masa depan kerajaan dan sektor swasta.

Ekspo bertemakan 'Kejayaan Selama 50 Tahun: Ke Arah Masa Depan Lebih Baik' itu akan diadakan dari 4 hingga 6 September depan di ibu negara.


Dalam ucapannya, Timbalan Perdana Menteri berkata, dasar dan strategi pembangunan Malaysia perlu sentiasa seiring dengan tuntutan cabaran serta keperluan semasa untuk membolehkannya kekal berdaya saing di peringkat global.

Berikutan itu, katanya, ilmu pengetahuan, teknologi dan inovasi asas penting bagi pertumbuhan ekonomi dan penjana kekayaan negara yang menyambut ulang tahun ke-50, Ogos depan.

"Usaha berterusan meningkatkan ilmu pengetahuan, kemahiran, teknologi dan inovasi antara perkara penting dalam menghadapi cabaran abad ke-21.

"Pada usia 50 tahun, Malaysia sudah boleh dianggap matang dan berada pada pertengahan perjalanannya mencapai Wawasan 2020," katanya.

Najib berkata, persekitaran dan perkembangan negara kini sudah ba-



ULANG TAHUN KE-50: Najib mengangkat Jalur Gemilang sambil dibantu Presiden AMB Exhibitions, Tan Sri Dr Ahmad Mustaffa Babjee sambil diperhatikan Pengerusi AMB Exhibitions, Profesor Emeritus Tan Sri Dr Syed Jalaludin Syed Salim ketika melancarkan Ekspo Merdeka Ke-50, di Kuala Lumpur, semalam.

nyak berubah berbanding masa lalu, dengan Malaysia kini mengamalkan ekonomi perdagangan terbuka dalam pasaran global yang amat kompetitif dan bergerak pantas.

"Landskap ekonomi global banyak berubah dengan teknologi maklumat dan komunikasi (ICT) semakin pantas dan transaksi yang meluas," katanya. Sehubungan itu katanya, Rancangan

Malaysia Kesembilan (RMK-9) mengenal pasti pembangunan modal insan sebagai teras utama dalam transformasi kepada ekonomi berasaskan pengetahuan.

BERNAMA